



Universitätsbibliothek Paderborn

Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

Capitis secundi Prologus & partitio

urn:nbn:de:hbz:466:1-25059

A quando ad crucis formam esse depictum, ut fidem faciunt vetustissimi nummi Ebraeorum.

I III. Non Scripturæ interpretationes duntaxat, sed ipsos etiam Interpretes, Scriptoresque adeo Ecclesiasticos omnes accurate evolverat Adamantius, quorum patrocinium sententijs suis plerisque nominatim aificit, Clementis puta, Ignati, Iosephi Philonis & aliorum. Neque id in libris solum qui à Rufino converti sunt, reperias; hac quippe vir hujus ætatis eruditus ab Interpretate confusa existimabat; sed in Græcis etiam Tomis, vel scriptioribus ab Hieronymo latinitate donatis, præcipue vero in libris contra Celsum. Inter Ecclesiasticos scriptores, apocryphorum auctores librorum refero, quorum testimonij sepe quoque utitur; non plus tamen ijs fidei vel auctoritatis tribuens, quam quantum ex hoc Apostoli monito tribuere licet; *Omnia probate, quod bonum est tenete.*

B IV. Fuit ergo præcipua Origenis in Scripturis enodandis cõtentio, cuius disciplina causa excoluit etiam *τοιχωρία*, sed Philosophiam potissimum. Vnum autem præ reliquis Platonem admiratus est: sic ut Christiana dogmata ad Platonicæ doctrinæ leges, non ipsam Platonis doctrinam ad Christi effata accommodaret. Exemplo suo Origenem eo compulit Philo Iudeus, totus ad Platonis exemplum compositus, non Platonii nimis tribuendo duntaxat, sed Scripturam etiam allegorijs perpetuis explanando. Compulit & præceptor illius Clemens Alexandrinus, Academia pigmentis res Christianas illustrare suetus; quod & maxima pars fecit vetustiorum Patrum, sed parcus & verecundius. His itaque Platonicorum delirijs sincerum doctrinæ Christianæ vas postquam incrustavit Adamantius, ex illo doctrina ejus corrupta est, & profanis imbuta erroribus, unde infinitis jaçtatu convitijs, &

C querelis in summas incidit calamites, & landem meritis partam decoxit. Sed nec Academiarum finibus ingenium suum coercuit; universas ille Philosphorū sc̄tas animo per vagatus est. Pythagoricorum scriptis delestatum fuisse, & Stoicorum quoque adhibuisse libros sc̄tas est Porphyrius. Hinc adeo non uni alicui addictum sc̄ta, sed omnium studiorum fuisse, ex ijsque quidquid utilius esset, & vero similius decerpisse, idemque discipulis ut facerent caute præcipisse Gregorius Thaumaturgus scriptum reliquit; ut non tam Platonicus, vel Pythagoricus, quam Potamonicus dici debeat, à Potamone illo Alexandro, qui Ecclæscia sc̄ta auctor fuit. Quocirca Iustinianus in Epistola ad Menam, & in ^{Gregor.} _{Thaum. in} altera ad Quintam Synodum, Paganorum erroribus affinem fuisse Origenem tam crebro ^{Panz.} obicit.

D V. Ad reliquas quoque disciplinas, five Mathematicas artes, five eas quæ ab humanitate nomen habent, animum appulit; sed majorem videtur ijs artibus impendisse operam, quarum erat usus vel ad Scriptura sacra illustrationem, vel ad morum emendationem, vel ad Ecclesiæ ædificationem accommodatio. Tam assidui autem & inexhausti in evoluendis voluminibus laboris fuit, ut objiciat ei Theophilus, perpetuus ipsius insector, *jaçtare se illam in scientia Scripturarum, & putare tanta legiſſe, quanta nullus hominum legerit: tanta vero* ^{Theophil.}

E discendi cupiditate incensus, ut ad eos conveniendo, quorum esset celebre nomen in literis, multas sc̄tas regiones perlustrasse scribat libr. 6. contr. Cels. Porro Epistola quadam, quæ est apud Eusebium, excusavit nimium suum in eas doctrinas studium, quod aliquorum reprehensionibus patuerat; stolidorum quippe hominum, quantum profana: lib. ^{Euseb. libr.} 5. cap. 9.

F tera sacræ promovendis conducent parum intelligentium. Tantam demum sibi nominis claritatem eruditione sua peperit, ut ad eum confluenter omnis generis homines, excellentem ejus eruditionem Ethnici ipsi celebrarent scriptis, suas ei consecrarent lucubrationes, disciplinarum omnium encyclopædiā animo crederetur esse complexus, & princeps inter literatos ab omnibus propemodum poneretur.

CAPVT SECUNDVM.

ORIGENIS DOGMATA.

Capitis secundi Prologus, & partitio.

PERVENIMVS jam ad ipsa Origenis dogmata, five quæ reprehensiones experta aliquo modo defendi possunt; five quæ sanæ Christianorum doctrinæ recipia minus consentanea omnem penitus respnuunt excusationem: nec ea modo quæ culpari vulgo solent, sed quæ nos etiam ex attenta & diligentie lucubrationum eius lectione exceptimus. Alij quidem universos Origenis errores defendere qua jure, quaq; injuria sunt aggressi; magnam hinc sibi spondentes laudem, si receptas de eo opiniones impugnare;

d ij

neutiquam cogitantes se, dum in Origenem officiosi esse student, existimationi suae ac pudori parum consulere. Nobis veritatem persequi propositum est, & Adamantium vel accusare, si ita res ferat, vel excusare, quoad patietur candor noster; sed ita tamen ut ad praestandum ipsi defensionis officium sumus paratores: quod triplici fere ratione facere instituimus, vel molli ac benigna interpretatione locis controversis adhibita; vel prolatis ex ipso Origene contrariis ac repugnantibus effatis; vel similibus Patrum adductis sententijs. Posterior uterque defensionis modus à nonnullis reprobatus est, & secundus quidem ab insigni atatis nostra Theologo, idcirco nimurum quod ex oppositis Origenis testimonij concluditur solummodo diversa ipsum sensisse, non vero pervertis opinionibus neutiquam adhucisse. At non aliam tamen protegendi Adamantii commodiorem viam insisteret se putavat Pamphilus in Apologetico. Nam cum ab Hæreticis violata esse constaret Orig-
Hier. Ep. 9
62. cap. 1.
 eniana volumina, si que sententiarum deprehendebatur varietas, merito in Hæretico-
 rum fraudes varietatis causa convertebatur. Præterea ut errasse Origenem demus, faten-
 dam est faltem incertum animi in ijs fuisse quæstionibus, & à pertinacia criminis longe ab-
 fuisse, quo uno fatis purgatur. Tertia quoque tuendi Origenis ratio, quæ ex Patrum adstila-
 palatione sumitur, repudiatur ab Hieronymo; qui, cū eodem pačo Origenem defendisset
 palatione sumitur, repudiatur ab Hieronymo; qui, cū eodem pačo Origenem defendisset

Iohannes Hierosolymitanus, hoc seripit ad Theophilum: *Novum defensionis genu, sic Orige-
 nis vita non negare, ut cum illo cateros crimineris. Videlicet quem aperte defendere non audeas, multo-
 rum simili errore tuari.* Nämpe non raro contigit, ut quod in Origene damnabat Hierony-
 mus, ejus ipse reus teneretur. Id cum ipsi obijcerent adversarij; purgari Origenem volebat,
 non suo aliorumque exemplo defendi. Quapropter Rufinus Invečt. i. ita loquentem indu-
 cit Hieronymum: *Omnis isti (Pates) ut Origenes erraverunt: sed accipiunt erroris sui veniam, quia
 & ego aliquando erravi, & nunc penitentiam gero, sed veniam accipere abeo. Origenes vero cum ea-
 dem que ego dicerit, etiam si penitentiam egit, veniam non accipiet: ino pro his que omnes diximus, so-
 lus ipse dannetur.* Si quando vero accusabatur Hieronymus ipse, Origenis patrocinium pro-
 fecebat non dubitabat: sibi concedi volens, quod negabat Origeni. Merito itaque ait
 Rufinus Invečt. 2. *Sive hoc fecit Origenes, sive non fecit, quid ad te? Si ad illius exemplum judicari
 vis, relege sententias tuas, & vide quād dixeris. Hoc non est, inquit, se purgare; sed socios criminis que-
 vere. Noli ergo & tu socios criminis querere, sed purgationem facti require.* Profecto hac si crimina-
 tionum eripiatur depulso, legitimo & in ejusmodi controversiis receptissimo defensionis
 argumento carebimus, & à Patribus etiam post Hieronymum sape usurpato. Nam, ut
 alios sileam, numquid simili patrocinio Theodori Moplitestri caussam muniuit Facun-
 dius, qui undecimum Operis sui librum conquitis Patribus sententius totum refer-
 fit: *Statim autem inquit, in hoc volumine magnorum virorum dicta proferre similia, ad excusandam dif-
 ficillora his pro quibus eum putaverunt, tamquam magistrum Nestorij, anathemate percellendum.* Et
 nunc in velitationibus adversus Heterodoxos, quid usitatus quam suffragio Patrum, &
 confessione pugnare? Triplici hoc ergo vallatus præsidio, prodeat tandem ad pugnam
 Origenes.

Hujus dogmata quæstionibus quatuordecim comprehendimus. I. est de Deo: II. de san-
 ctissima Trinitate: III. de Christo, ejusque Incarnatione & incorruptione. IV. de B. Maria Vir-
 gine: V. de Angelis bonis & malis: VI. de anima: VII. de libero arbitrio, gratia, &
 predestinatione: VIII. de Astris: IX. de resurrectione mortuorum: X. de postremo judi-
 cio: XI. de peccatis & premiis: XII. de mundo, Paradiso terrestri, & Adano: XIII. de
 allegorica Scriptura interpretatione: XIV. quæstiunculas aliquot quasi per saturam com-
 plectitur.

QVÆSTIO PRIMA.

DE DEO.

I. *Utrum circumscriptam esse Dei potentiam Adamantius dixerit: II. quemadmodum F*
ipſi & Patribus quibusdam obijcitur: III. cui & nonnulli affensi sunt. IV. Ex Academia
manavit iſſi & doctrina. V. Utrum corporeum esse Deum ratus sit. VI. Ab herereos huius
suspitione vindicatur. VII. Objecta diluuntur. VIII. Multos hic error inficit.

I. **P**RIMVM hoc nomine vapulat Adamantius, quod finitam esse ac terminis cir-
 cumscriptam Dei potentiam crediderit, torque eum procreasse res, quoniam provi-
 denzia sua continere & administrare poterat; tantam eam fecisse materiam, quan-
 tam valebat ornare, & in rerum formas dividere; tantum ipsum potuisse, quantum ei ad
 agendum materia ministravit; nec in infinitum proferendam ejus potentiam, laudis ob-